

重刻來瞿唐先生日錄

大學古本序

大學之道脩身盡之矣、脩身之要格物盡之矣、明
者何也、昭明於天下之德也、卽五達道也、自其共由
於人謂之道、自其實得於己謂之德、自其通於天下
曰達、自其昭於天下曰明、非有二物也、一而已矣、觀
下文釋齊治平皆以五倫言之是也、不言道而言德
者有諸已而後求諸人也、此正五帝三王以德服人
之王道也、非伯者之以力也、若以人之所得於天而
虛靈不昧爲明德、則尚未見諸施爲以何事明明德

於天下也哉親者九族也民者萬民也卽親親而仁
民也自近以及遠而家而國而天下也非當作新也
亦非親其民也止至善者止於仁敬孝慈信也自數
字之義不明聖人脩己以安百姓之道荒矣道喪千
載噫可哀也又何望其知格物也五帝三王之學皆
所以明倫孔子十五而知志帝王之學七十子從孔
子問孔子之志孔子曰老者安之少者懷之朋友信
之此何志也卽大學老老長長恤孤平天下之志也
及哀公問政乃大人不知大學者故孔子告之曰天

下之達道五所以行之者三知斯三者則知所以修身治人治天下國家則明德卽達道不待辨而自明矣孟軻氏得孔子之真傳者故曰聖人人倫之至也堯舜之道孝弟而已矣親親仁也敬長義也無他達之天下也人人親其親長其長而天下平及齊宣梁惠滕文公問政皆以設爲庠序人倫明於上告之此皆載之簡冊自兒童時卽讀之但天下學者日汲汲於科目如水之赴海間有一二高明之士又馳情於釋氏之空寂不以身心體認之以至此義不明爾格

物者脩身之有頭腦功夫也。卽告顏子之克己也。卽孟子之寡欲也。誠意者心之要緊處也。物格則知之至矣。脩身則行之盡矣。知至行盡。天下國家舉而措之而已。春秋之時。五伯迭興。君不君。臣不臣。父不父子。不子。不知明明德於天下也。久矣。間有欲平天下者。如管晏之徒。又不知本之五倫。反之躬行。孔子懼作春秋。奪南面之權。而不諱敦典庸禮。命德討罪。無非所以明倫也。孔子沒。其徒恐此道久而失其傳。乃筆之於書。引五帝三王之詩書。以爲証。豈知千載之

後字義猶不明也哉噫可哀也秦漢唐已來聖人之
道渾如長夜至宋河南程氏取而表章之朱子乃爲
之註可謂有功於聖門矣但以明德爲虛靈不昧以
格物爲窮至事物之理不免失之支離至我

明陽明王氏崛起浙中以此書原未錯簡朱程格物
不免求之於外可謂有功於朱程矣但仍以明德爲
靈昭不昧而敎人先於悟良知則又不免失之茫昧
支離茫昧雖分內外然於作聖功夫入手之差者則
均也德以未仕山林中潛心反復二十餘年一旦恍

然有悟懼天下之學者日流而爲禪也乃書數條於大學古本之後極知愚劣不足爲程朱王三公之直友但學者能以身心體認之則於

國家一道德以同俗之教化未必無小補云

萬曆乙酉十月望日後學梁山來知德書

大學之道在明明德在親民在
止於至善知止而后有定定而
后能靜靜而后能安安而后能
慮慮而后能得物有本末事有
終始知所先後則近道矣古之
欲明明德於天下者先治其國
欲治其國者先齊其家欲齊其
家者先脩其身欲脩其身者先
正其心欲正其心者先誠其意

欲誠其意者先致其知致知在

格物物格而后知至知至而后

意誠意誠而后心正心正而后

身脩身脩而后家齊家齊而后

國治國治而后天下平自天子

厚是親薄是民言不能老老長

以至於庶人壹是皆以脩身為

自天子至末乃應物

長而欲天下興孝與

本其本亂而未治者否矣其所

有本末一條

弟者無是理也若以

厚者薄而所薄者厚未之有也

虛靈不昧來說所厚

此謂知本此謂知之至也

為學之功

者薄說不知至行盡而已格物固知之至
通矣

矣使不能體之於身猶不可以
言知之至也今至於格身則
行之盡矣豈非知之至也哉

此正
上文

○所謂誠其意者毋自欺也如

既提所
當加一

惡惡臭如好好色此之謂自謙

故君子必慎其獨也小人閒居

爲不善無所不至見君子而後

厭然揜其不善而著其善人之

視已如見其肺肝然則何益矣

此謂誠於中形於外故君子必

慎其獨也曾子曰十國所視十

手所指其嚴乎富潤屋德潤身

心廣體胖故君子必誠其意詩

自詩以下
直至此謂
云瞻彼淇澳
知本反復
只論格物
之功能格
物即能脩
身能脩身
則能化民
左來右去
是此意

子如切如磋如琢如磨瑟兮憫

今赫兮喧兮有斐君子終不可

如磨者自脩也瑟兮憫兮者恂

誠意功夫
只在格物
慄也赫兮喧兮者威儀也有斐

非德容素

道學自脩
者知行並
進之功也
恂慄威儀
者表裏交
脩之功也
非德容素

亦以只講

物不言

知不可以致

知不可用

功也

誠意之功

不外格物

既格物則

明德親民

止至善皆

在其中矣

故復以明

德親民止

至善繫于

誠意之下

君子終不可誼今者道盛德至

裏之成也

善民之不能忘也詩云於戲前

此忘字生

王不忘君子賢其賢而親其親

上忘字來

小人樂其樂而利其利此以沒

世不忘也康誥曰克明德太甲

見字顧字皆格字也

曰顧諟天之明命帝典曰克明

格物

峻德湯之盤銘曰苟日新日日

新字皆格字也

新又日新康誥曰作新民詩云

新字生上新字來所

周雖舊邦其命維新是故君子

以不可以親作新

無所不用其極詩云邦畿千里

維民所止詩云緡蠻黃鳥止于

丘隅子曰於止知其所止可以

人而不如鳥乎詩云穆穆文王

於緡熙敬止爲人君止於仁爲

人臣止於敬爲人子止於孝爲

人父止於慈與國人交止於信

子曰聽訟吾猶人也必也使無

脩身化民
至於無訟

則老安少
懷天下太訟乎無情者不得盡其辭大畏

平矣此正
民志此謂知本
格致誠正固行前

止至善也然屬之身心皆求諸已之事也
故結以此故獨以誠意起之修身以後則

有國家天下
故各開其類

○所謂修身在正其心者身有

所忿懣則不得其正有所恐懼

則不得其正有所好樂則不得

其正有所憂患則不得其正心

不在焉視而不見聽而不聞食

而不知其味此謂修身在正其

視不見者即仰面貪
看鳥回頭
錯認人也
非不可墮
于無也

心

○所謂齊其家在脩其身者人
之其所親愛而辟焉之其所賤
惡而辟焉之其所畏敬而辟焉
之其所哀矜而辟焉之其所敖
惰而辟焉故好而知其惡惡而
知其美者天下鮮矣故諺有之
曰人莫知其子之惡莫知其苗
之碩此謂身不脩不可以齊其

莫知子之惡之所親愛而辟也莫知苗之碩之所愛而辟也

家

○所謂治國必先齊其家者其
家不可敎而能敎人者無之故

君子不出家而成敎於國孝者

明德

所以事君也弟者所以事長也

慈者所以使衆也康誥曰如保

赤子心誠求之雖不中不遠矣

未有學養子而后嫁者也一家

仁一國興仁一家讓一國興讓

一人貪戾一國作亂其機如此

此謂一言憤事一人定國堯舜

帥天下以仁而民從之桀紂帥

天下以暴而民從之其所令反

其所好而民不從是故君子有

諸已而后求諸人無諸已而后

非諸人所藏乎身不恕而能喻

諸人者未之有也故治國在齊

其家詩云桃之夭夭其葉蓁蓁

必有諸已

而后可以求諸人若

以虛靈不

時學者當

困其所發而遂明之

之子于歸宜其家人宜其家人

明德

而后可以教國人詩云宜兄宜

明德

弟宜兄宜弟而后可以教國人

詩云其儀不忒正是四國其爲

父子兄弟足法而后民法之也

此謂治國在齊其家

○所謂平天下在治其國者上

老老而民興孝上長長而民興

明德

弟上恤孤而民不倍是以君子

有物欲在心決不能

有絜矩之道也所惡於上毋以

行絜矩故先于格物

使下所惡於下毋以事上所惡

於前無以先後所惡於後毋以

從前所惡於左無以交於右所

惡於右無以交於左此之謂絜

矩之道詩云樂只君子民之父

母民之所好好之民之所惡惡

之此之謂民之父母詩云節彼

南山維石巖巖赫赫師尹民具

爾膽有國者不可以不慎辟則
爲天下僂矣詩云殷之未喪師
克配上帝儀監于殷峻命不易

道得衆則得國失衆則失國是

故君子先慎乎德有德此有人

又言明德

有人此有土有土此有財有財

此有用德者本也財者末也外

本內末爭民施奪是故財聚則

民散財散則民聚是故言悖而

出者亦悖而入貨悖而入者亦
悖而出康誥曰惟命不于常道
善則得之不善則失之矣楚書
曰楚國無以爲寶惟善以爲寶
舅犯曰亡人無以爲寶仁親以
爲寶秦誓曰若有一个臣斷斷
今無他技其心休休焉其如有
容焉人之有技若己有之人之
彥聖其心好之不管若自其口

出寔能容之以能保我子孫黎
民尚亦有利哉人之有技媚疾
以惡之人之彥聖而違之得不
通寔不能容以不能保我子孫
黎民亦曰殆哉惟仁人放流之
逆諸四夷不與同中國此謂唯
仁人爲能愛人能惡人見賢而
不能舉舉而不能先命也見不
善而不能退退而不能遠過也

好人之所惡惡人之所好是謂

拂人之性菑必逮夫身是故君

子有大道必忠信以得之驕泰

以失之生財有大道生之者衆

食之者寡爲之者疾用之者舒

用賢理財
皆本於格

則財恒足矣仁者以財發身不

物

仁者以身發財未有上好仁而

下不好義者也未有好義其事

不終者也未有府庫財非其財

者也孟獻子曰畜馬乘不察於

裕物

雞豚伐冰之家不蓄牛羊百乘

之家不蓄聚斂之臣與其有聚

斂之臣寧有盜臣此謂國不以

利爲利以義爲利也長國家而

務財用者必自小人矣彼爲善

之小人之使爲國家蓄害並至

雖有善者亦無如之何矣此謂

國不以利爲利以義爲利也

臨尾

性理大全

大學章句

九

又以義利言左來右去只要人
爲善去惡格物之功至此端的
矣

德

○德者得也以五倫體之於身躬行心得也卽下文
言敬止仁敬孝慈信之德也言齊家孝弟慈之德也
言治國宜家人宜兄弟父子兄弟足法之德也言平
天下上老老長長恤孤之德也

德者得也
句見樂記

明德

○此五倫在天地間昭如日月以置立言置之而塞
乎天地以縱橫言溥之而橫乎四海以悠久言施之
後世而無朝夕人人不可離家家不可背乃明白顯

然之事非索隱也非行怪也故謂之明

○此明字對暗字而言若釋氏講空虛講陰間地府講前生後世講六道輪迴則皆幽暗之事人目所不見不得謂之明矣

明明德

○上明字卽人倫明於上之明書曰克明峻德以親九族九族既睦平章百姓百姓昭明協和萬邦孔門下此明字蓋本於堯典克明之明也又司徒明七教以興民德齊八政以防淫一道德以同俗明者卽此

明七教之明字也七教者父子兄弟夫婦君臣長幼朋友賓客也民德者卽此明德之德也

○若依註中德者人之所得於天而虛靈不昧以具衆理而應萬事者也學者當因其所發而遂明之如此解全在心上去未見之施爲何以能明明德於天下哉何以能先治其國哉民可使由之不可使知之若以我之所得於天虛靈不昧爲德是欲使民知之矣天下豈有許多聰明百姓也哉况下文明說宜其家人而后可以敎國人宜兄弟而后可以敎國人

又何以爲虛靈不昧

○明明德卽脩身也卽有諸已也古人有言曰紫衣賤服尚化齊風長纓鄙好且化鄒俗爲人上者況以五倫躬行實踐而天下有不化也哉若所令反其所好民卽不從矣

○以古人脩身明明德言之如思齊齊太任文王之母思媚周姜京室之婦惠於宗公神罔時怨神罔時恫刑於寡妻至於兄弟以御十家邦雖雖在宮肅肅在廟不顯亦臨無射亦保肆戎疾不殄烈假不瑕不

聞亦式不諫亦入此脩身齊家也又文王之爲世子
朝于王季日三雞初鳴而衣服至於寢門外問內豎
之御者曰今日安否何如內豎曰安文王乃喜及日
中又至亦如之及莫又至亦如之其有不安節則內
豎以告文王文王色憂行不能正履王季復膳然後
亦復初食上必在視寒煖之節食下問所膳命膳宰
曰未有原應曰諾然後退武王帥而行之不敢有加
焉文王有疾武王不說脫冠帶而養文王一飯亦一
飯文王再飯亦再飯此脩身齊家也如此脩身齊家

豈不化行南國

○學者只將周南召南熟看就看出明德親民脩身齊家治國平天下氣象出來了故曰人而不爲周南召南其猶正牆面而立也

○以古人明明德於天下載之於經者言之如曰百姓不親五品不遵敬敷五教在寬故有虞氏養國老於上庠養庶老於下庠夏后氏養國老於東序養庶老於西序殷人養國老於右學養庶老於左學周人養國老於東膠養庶老於虞庠春食孤子秋食耆老

此皆孔子已前五帝三王所以老老長長恤孤明明
德於天下之事也及孟子告滕文公乃曰設爲庠序
學校以教之庠者養也校者教也序者射也夏曰校
殷曰序周曰庠學則三代共之皆所以明人倫也夫
孔子祖述憲章堯舜文武者也堯舜文武之學皆所
以明倫豈有孔子之教不本於明倫者乎孟子得孔
子之真傳者孟子言設學皆所以明倫後之儒者乃
以明德解爲虛靈不昧是卽釋氏虛空圓明之教矣
豈孔氏之教乎

○又曰聖人能以天下爲一家中國爲一人者非意之也必知其情辟於其義達於其忠然後能爲之何謂人義父慈子孝兄良弟恭夫義婦聽長惠幼順君仁臣忠十者謂之人義此人義乃五倫也大人以萬物爲一體正欲天下一家中國一人者又豈止教之以心而不教之五倫哉則明德乃五倫之德彰彰矣○凡前所引數條非某之自立門戶而言也亦非賢人之言也皆聖人之經也但因三代以後設科目人止竊聖人之言以取功名未曾留心體認又因老

佛出來作混資質略高者俱畱心佛老所以將聖人
之言通忽略了所以某以爲道喪千載可哀者此也
○克明峻德以親九族蔡仲默註以爲卽上文之德
錯矣蓋欽明文思安安允恭克讓乃史臣贊堯之德
也模寫聖人生知安行氣象就譬如孔子門人模寫
孔子子之燕居申申如也夭夭如也子溫而厲威而
不猛恭而安子絕四毋意毋必毋固毋我是此等話
不成堯自家又將欽明文思克明此德去親九族說
不通矣克明峻德卽是敬敷五教養國老於上庠等

事

○就虛靈上說一本大學通說空疎了更無下手處就五倫上說一本大學徹頭徹尾

○觀康誥說克明德下文卽說矧惟不孝不友子弗祗服厥父事大傷厥考心于父不能字厥子乃疾厥子于弟弗念天顯乃弗克恭厥兄亦不念厥子哀大不友于弟以孝友言之則德字又可知矣

○大抵學者認德字不真只謂不曉得道德兩個字離不得道便是本然的德便是以道體之於身凝聚

蘊蓄的故曰苟不至德至道不凝焉今日所志之道
卽他日所據之德也今日所據之德卽前日所志之
道也外道以言德則德其所德非吾儒之所謂德矣
把中庸脩道之謂教看則大學教人之德不外於道
又可知矣

○如朱子章句序而其所以爲教則又皆本之人君
躬行心得之餘不待求之民生日用彝倫之外是以
當世之人無不有以知其性分之所固有職分之所
當爲如依序文如此解明德則一本大學通暢矣不

知如何又解在心上去

親民

親者九族也民者萬民也親民二字卽親親而仁民也卽以親九族昭明百姓也卽關雎麟趾化行南國也此二字又全又活親字管齊家一項民字管治平一項乃文章減字法也宋儒程子改親字作新字近日王陽明解作親其民把如保赤子此之謂民之父

母通爲親其民殊不知把明德解爲虛靈不昧又把親民解爲親其民新其民則脩身齊家工夫全空疎

了不能脩其身不能親親以齊其家乃先去新親
民是所厚者薄而所薄者厚也與下文明明德於天
下一條全不相同了此萬世不易之定論也

○明明德親民止至善此八個字冠之篇首聖門下
得約而達一本大學通該管了上明字藏得有格物
脩身工夫在裏頭卽下文日新又新切磋琢磨等是
也下明德二字卽孝弟慈等是也親字卽父子兄弟
家人是也民字卽興孝興弟興仁興讓之民也止至
善卽止於仁敬孝慈信也八個字何等停當

明德親民

○何以明德親民合而言之也吾身出入相對不可須臾離也卽中庸所謂道也者不可須臾離也可離非道也如以家庭論對父母則父母爲親而孝之道不可離矣對妻妾則妻妾爲親而別之道不可離矣對昆弟則昆弟爲親而長之道不可離矣對婢僕則婢僕爲親而慈之道不可離矣如出仕臨民則國與天下滿目皆其民而信之道不可離矣是親民者正所以明德也所以明德親民不可分也所以引詩纔

說明德就說親民若無父無君無妻無子無昆弟朋友何以謂之德無老者何以安之無少者何以懷之卽釋氏深山打坐之人矣

○孔子十五而志大學見得大人之學以天下爲一家中國爲一人所以急急遑遑轍環列國欲行道以濟時艱以不負上天生聰明之意知得此道理直所以絕糧伐木略不爲意觀其言曰鳥獸不可以同羣吾非斯人之徒與而誰與子路曰長幼之節不可廢也君臣之義如之何其廢之皆明德親民意也湯誓

曰予畏上帝不敢不正仲虺曰惟天生民有欲無主
乃亂惟天生聰明時又有夏昏德民墜塗炭天乃錫
王勇智表正萬邦纘禹舊服茲率厥典奉若天命泰
誓曰惟天地萬物父母惟人萬物之靈亶聰明作元
后元后作民父母又曰天祐下民作之君作之師云
云又曰惟天惠民惟辟奉天伊尹曰天之生斯民也
先知覺後知先覺覺後覺非予覺之而誰皆是不敢
負上天生聰明之心所以急急遑遑行道以濟時艱
孔子惟其知此所以說順乎天而應乎人湯武以之

蘇子惟其見不到此所以說武王非聖人也箕子不臣僕於武王而以洪範傳於武王者亦此意蓋恐此道自我而絕也不然箕子乃忘君事仇之人矣孔子安得謂之仁

○大抵自孔孟以後至於今日明德親民止至善八個字通認不真宋儒認明德爲虛靈不昧又不知明德親民不可分以敬字作工夫敬字作功夫是矣天下無不敬之聖人但終日端坐如泥塑人不是敬的功夫了天下豈有終日端坐之聖人哉終日端坐者

西方之聖人也孔子當時說發憤忘食樂以忘憂不知老之將至皆是實歷苦語自來聖人通是兢兢業業憂勤惕勵非行道以濟時必明道以淑人無冥心閉目打坐之聖人又說讀書玩物喪志殊不知天下豈有不讀書之聖人如不讀書孔子說博我以文好古敏以求之信而好古博學又審問慎思又明辨之又說博學篤志切問近思仁在其中皆是誑人之言又說汝以爲多學而識之者與必定多學聖人方對門人如此說若不多學無此言矣古來聖人如伏羲

神農黃帝之書謂之三墳少昊高辛顓頊唐虞之書
謂之五典八卦之說謂之八索九州之志謂之九丘
通是孔子刪了孔子當時不能行道欲明道以淑人
刪詩書定禮樂脩春秋千辛萬苦孔子何曾喪其志
哉天下無有讀書成心病者但讀書要識痛癢歸在
我一路來博學詳說將以反說約的如此讀書不枉
讀書矣如張平子左太冲就不識痛癢了說個玩物
喪志終是認得學聖功夫不端的雖學聖功夫不專
於聞見口耳然讀書一項豈可廢朱子說用力之久

而一旦豁然貫通極說得是學聖人者都是如此但不當以格物爲窮極事物之理又在校葉上去了

○古來聖賢見得萬物一體明德親民端的所以到了行不得處就自任不辭如曰文不在茲乎非予覺之而誰予不得已也皆是將這一場事擔負在身上論其形迹就似俗人求名求富貴一般急急遑遑如湯武之行權孔子之周流四方席不暇煖與求名求富貴無異而不知大人之學當如是也但進以禮退以義進退不失禮義之中正得與不得卽歸之命所

謂行一不義殺一不辜而得天下不爲是也財與譽
人之求富貴披髮以見有司不顧禮義而爲之天淵
懸絕矣某少時焚引一時相厚之友皆以南山捷徑
戲之余作客問一篇書來者卽以此答尾云江湖廊
廟原爲一體明道行道皆以淑人亦此意也有志於
聖學者不能行道必要明道不然終歸於私不是大
人之學如南山捷徑乃希圖富貴已不在吾儒中算
矣與明德親民差一萬里明德親民是知其我道之
當然急急遑遑而欲以道淑人也非圖富貴也此君

子小人義利毫釐之差又不可不辨然近日披髮以見有司者又笑不得南山捷徑此又不可不辨

止至善

○止至善者止於仁敬孝慈信之類也至善者無過不及恰在止處也卽中庸所謂中節也節者竹節也節止於此不去也以爲人君止於仁言之舜之作五刑亦仁也誅四凶亦仁也何也皆發乎天理而無一毫私意與乎其間也若梁武帝宗廟以麴爲犧牲似仁而非仁矣何也溺于輪迴之說是自私矣其餘可

類推

知止而后有定一節

○知止者知其止於仁敬孝慈信五倫之理止於此也知其理止於此則喜怒哀樂未發之時而定而靜而安者此仁敬孝慈信也此五倫之理也無忿懣也無恐懼也無好樂憂患也則此心未發之時一團天理廓然太公是卽謂之中矣旣安於五倫之理則喜怒哀樂已發之時所以思慮酬酢者此仁敬孝慈信也此五倫之理也不辟於親愛也不辟於賤惡也不

辟於畏敬哀矜赦情也則此心既發之后一團天理
物來順應是卽謂之和矣如此豈不得所止乎

○定靜安三個字是模寫此心無忿懣恐懼好樂憂
患之氣象定字是天下定於一之定不遷移也靜是
不擾安是妥帖自然

○從來此一節話訓者都說得無下手處都是懸空
捕風捉影所以然者何也明德二字認不真故也所
以體貼到身上說不得殊不知聖人之言豈有說得
行不得之言哉

本末始終

○本末始終者此正知止下手功夫也所謂擇之精也下文本末厚薄此其類也且如以事親言之論父母於道及養志者本也養口體者末也身體髮膚受之父母不敢毀傷者孝之始也立身行道揚名於後世者孝之終也凡事事物物皆有本末始終先後卽孔子所謂先於正名也如醫家所謂君臣佐使也如失其輕重先後之序雖是君子路上人終不能至其至善之域矣

○道字應德字知所先後知字內藏得有博學審問
慎思明辨功夫

脩身正心誠意致知格物

總論

凡人有此形體卽有此形氣之私口之於味也目之
於色也耳之於聲也鼻之於臭也四肢之安佚也性
也有此形氣之性故好勇好貨好色不辨禮義而受
萬鍾欲宮室之美妻妾之奉所識窮乏得我凡此皆
所謂物也有此物欲橫於心是以千思萬想千計萬
較時起時滅朝朝暮暮在此曾字未曾停息倘此橫

於中之物欲或得或喪發之七情卽有所忿懣有所
恐懼有所好樂有所憂患是以見之於事卽偏於一
邊不之所親愛而辟必之所賤惡而辟不之所畏敬
而辟必之所哀矜敖惰而辟心旣有所忿懣恐懼好
樂憂患之偏而所行之事又隨其心之所偏而辟則
天賦於我之五性皆已牾亡喪失矣是非之良心旣
以喪失是以安其危而利其災此身之所以不脩也
如商紂惟好宮室臺榭陂池作奇技淫巧以悅婦人
唐明皇開元初年罷大明宮於農務之時焚珠玉錦

繡於殿前幾至太平矣及寵太真是皆有所好樂也
有所親愛也身安得脩乎所以紂失天下玄宗竄身
西蜀正所謂辟則爲天下僂也所以聖門教人先於
格物此有頭腦至捷功夫也自孔子沒至於今日無
人知此功夫此德以道喪千載可哀者此也

訓字

脩者理也整也對荒亂頽敗而言也正者當也定也
平也對偏邪而言也誠也敬也信也對欺誑而言也
致者至也詣也對踟躕不進而言也格者殺也除也

去也對優柔遲留而言也此一字下得猛

○說我要整理此身便要心上不偏邪心上不偏邪在於發念意向上不欺誑要我意向上不欺誑在至詣我是非心上去看等將善惡曉然明白要心上曉然明白只在格了心上物欲就明白了

○正心之心已發之心

○是非之心人皆有之此所謂知也惟物欲蔽了就不明白要錢官卽問斷不公見之矣

○身也心也意也物也屬形氣一邊用得功夫所以

下個脩字正字誠字格字都下得重格字猶下得猛
但凡遇人欲字都下得重如克己復禮之克養心寡
欲之寡是也到了知字卽仁義禮智信之智也乃是
非之心也乃天理也雖不離形氣然無半毫形氣之
私無聲無臭下不得功夫所以下一個致字此二字
下得輕致者送也詣也至也只似說送與是非之心
看所以物格而后知至至與致二字不同若說物格
而后知致卽不通矣

訓意

○脩身者止於仁敬孝慈信而爲善也不之所親愛
賤惡畏敬哀矜敖惰而辟爲惡也辟則安能齊家乎
故欲齊家者先脩其身然心者身之主也使此心不
覺照心不在而失其本心惟知眷戀於物欲有所忿
懣恐懼好樂憂患雖視之亦不見聽之亦不聞食之
亦不知其味矣安能脩身乎故在於正心必定要此
心不偏邪一團天理惟仁也惟敬也惟孝慈信也則
身可得而脩矣然意者心之所發也使意之方發差
之一毫則所行之事謬以千里矣安能正心乎故必

要發念之時仁敬孝慈信之善如好好色也忿懣恐
懼好樂憂患之惡如惡惡臭也斯心可得而正矣然
使此心不知其孰真孰妄未免認人欲爲天理又安
能誠意乎故必致吾是非之心以鑒之曉然明白知
其何者爲仁敬孝慈信之善所當好也知其何者爲
忿懣恐懼好樂憂患之惡所當惡也斯意可得而誠
矣然欲此心曉然明白豈有他術哉豈必他求哉亦
惟格去此物而已蓋吾心之中有所忿懣恐懼好樂
憂患者皆蔽我良知之物也今將此物猛然格除一

切掃去則此心未發之時廓然太公無意無必致天下之中矣既發之後物來順應無固無我致天下之和矣此孔門接堯舜精一之傳至捷至近之心法也聖人復起不易吾言矣

二節訓意

○脩身者爲善而去惡也正心者已發之心惟在乎善而不偏於惡也誠意者方發之心實好其善實惡其惡也致知者知其孰爲善孰爲惡也格物者格其孰爲惡之惡也既格其惡則此心無蔽障明白之至

矣明白之至則一念之發決不欺矣既不欺則心廓然太公而正矣既正則物來順應而身修矣

物格而后一條

○心譬如鏡也本光明也物者鏡上之塵垢也格者去其塵垢也知至者去其塵垢而光明之至也意者人心發動取鏡照物也誠意者將鏡來照妍者如好色也媿者如惡惡臭也正心者心惟其妍不偏於媿也脩身者知其妍而爲善知其媿而去惡也

○心者譬如目也本光明也物者目上之翳也格物

者以藥點之去其翳也知至者復其光明之本體也
意者目去看物之好醜也誠意者好者如好色也醜
者如惡惡也下同前

○格了物知卽至矣及下坡板丸之勢所以說致知
上用不得功夫今之儒者講致良知只是聽人說不
曾自家體認

○格物者格去其物欲也知至者知物欲知之極其
至也誠意者誠其意而不自欺于物欲也正心者正
此心而不邪于物欲也脩身者脩整其身而此身全

無物欲也。蓋格物之時，此心尚有善有惡。既格去物，欲則有善無惡矣。是以知之至意之誠心之正而身脩矣。此下坡之勢。

誠意

學者臨關功夫最難，所以聖人又說誠意。此一種功夫出來，異於禪學者正在此。一念差了，終身事通差了。故于正心中拈出誠意。

○此一種功夫，卽是中庸戒慎恐懼也。莫見乎隱，二句，卽十目所視二句也。既說個戒慎恐懼心已動矣。

註中解所以全天理之本然解錯了。他只因下文有
喜怒哀樂未發謂之中卽有此解也。殊不知學者靜
坐之時不過絕了妄想閉目打坐而已。安能存天理
之本然。大抵自漢唐宋以來。儒者通不曉得過人欲
卽所以存天理。天理本然上。半釐功夫。做不得。何也。
仁義禮知我固有之也。非由外鑠也。惟過人欲則惻
隱羞惡辭讓是非之心自然呈露。而所行之事皆仁
義禮知之事矣。天理本然上。不惟做不得。功夫亦不
消做功夫。

○如把戒懼二句作靜而存養只把禪家就看出來了禪家終日無天無地無人無我打坐何曾存得天理之本然殊不知未發上做功夫聖人已先說矣所以不說欲正其心者先於未發說欲正其心者先誠其意此正聖學禪學之所由分也在心上單提一個誠意出來異禪學者正在此惟不知此功夫伊川將良其背不獲其身行其庭不見其人就解錯了若程明道說與其非外而是內不若內外之兩忘也就說得是了陸象山以存養爲主人考索爲奴僕就偏

了做男兒大丈夫爲天地立心爲生民立命爲萬世
開太平以先知覺后知以先覺覺後覺把道理明明
白白說與世人使斯道大明方是豪傑若終日閉目
打坐門徒來專心問他他說半句留半句使人莫測
端倪斯則達麼之敎也朱子雖然著述上略有些差
錯但他爲人平易諄諄敎人允矣兩端必竭四敎
雅言之規模也今將三條功夫開于后

聖學

聖學在心之意念上用功夫所謂慎獨也格物則其

下手之頭腦功夫矣

禪學

禪學在心之未發上用功夫只是硬鎖了心不開城門無天無地無人無我不肯將外物擾動讀書窮理謂之理障

詞章之學

詞章之學專於工辭如左思張衡是也心之真妄與未發已發俱不論矣

近日學者知詞章之學非聖學是矣但又認禪

學爲聖學則與詞章之學一而已矣均爲不知聖學也

致知

○知者五性中之智也。王陽明以爲良知是也。朱子解知猶識也。解錯了。又解致推極也。推極吾心之知識。欲其所知無不盡也。若如此說。一句書不讀之人。知孝其親。婦人爲夫死節。何曾推極其知識哉。致知二字。通解錯了。王陽明認知爲良知是矣。但又教人悟良知。良知上做功夫。又錯了。殊不知良知乃天理。

先生願
學孔子

做不得功夫。又不曾見孔子好知不好學。其蔽也蕩。此一句了。其徒就說本來靈覺生機。丹府一粒點鐵成金。此乃生生之謂性。孟子已闢了。何消又拈起以爲活寶說。大抵學朱子之學不成。不失爲博古通今之士。學致良知不成。卽刻成惠可矣。

○王陽明傳習錄又以聞見之知。孔子以爲知之次。則是聞見之知已落第二義矣。惟當致良知。殊不知知之次也。一章朱子解錯了。知之次者。言必待聞見而后知。次於生知者也。孔子說不知其理而妄作者。

我決無是也。我之知雖非生知。然多聞則擇其善者而從之。多見則擇其善者而記之。聞見之知雖與生知者同。亦知之之真。然必待於聞見。亦生知之次矣。若無知而妄作。我豈有是哉。如此解方應得首句。

○朱子解雖未能實知其理。亦可以次於知之者也。若說雖未實知其理。依然是無知妄作了。朱子何等聰明人。不知當時如何如此解。只恐舊註是如此。

○天下之知無二也。或生而知之。或學而知之。或困而知之。及其知之一也。知止說得個遲速。說不得個

詳略譬如蜀川到燕京千里馬止六七日即到次于
千里者一月方到如款段蹇驚兩三月方到及到了
燕京千里馬也是到次于千里者也是到款段蹇驚
也是到止說得遲速說不得詳略陽明講良知引此
章爲証差矣大抵陽明先生聰明之至也肯與人講
論不似象山諸公說半句畱半句但儘他聰明說通
說快了不沈潛反復如陽明說問思辨行皆所以爲
學未有學而不行者也如言學孝則必服勞奉養躬
行孝道而後謂之學豈徒懸空口耳講說而遂謂之

孝乎天下之學無有不行而可以言學者則學之始
固已卽是行矣篤者敦實篤厚之意已行矣而敦篤
其行不息其功之謂爾蓋學之不能無疑則有問問
卽學也卽行也不能無疑則有思思卽學也卽行也
不能無疑則有辨辨卽學也卽行也辨既明矣思既
慎矣問旣審矣學旣能矣又從而不息其功焉斯之
謂篤行非謂學問思辨之后而始措之行也此區區
心理合一之體知行並進之功所以異於後世之說
者正在於是

已前是
傳習錄

若依此說心與理合一知與行

並進說孝則說得通矣說忠則說不通矣所以陽明
不說忠如讀孟子有官守者盡其職有言責者盡其
忠此學也然天下無有不行而可以言學者必有官
守言責方可言學則布衣之講學者此條不必講矣
又以審問言之如顏淵問爲邦孔子曰行夏之時乘
殷之輅服周之冕樂韶舞放鄭聲遠佞人顏子必行
夏時乘輅服冕放聲遠佞而后謂之學乎不然此空
談也陽明自以爲心理合一知行並進而不知自不
覺言之不通矣此皆聰明之極說快之通也

○格物者正所以致良知也就譬如說磨鏡之塵垢者正所以求鏡之明也所以不說欲致其知者先格其物說致知在格物以格了物卽知之至所以說不得個先后字

○朱子解格物致知錯了所以解盡其心者一章亦錯了盡者終也竭也對有剩餘而言也若心上略有纖惡之未除卽有餘欠矣盡其心者復其天命之本體也天生此心之時原無物欲也命者死生有命之命也孟子此章教人脩身以立命言我身心性命通

是天賦與我的。我能盡其心，就知得性；知得天了，存此心不失，以養其性，就是事天了。不管我命長命短，只去脩身，則命自我立，而知天事天，不足言矣。朱子解大學如彼，解到了此處，就說知性則物格之謂盡心，則知至之謂。

○德爲海內人講致良知。山林中將致字磨礱二十年，蓋因解致字爲喪致乎哀之致，以致字可用功夫也。及後貫通之時，方知致字用不得功夫，功夫全在格物上，何以用不得功夫？蓋人稟五行以生，有形有

神智屬水乃水之神也神何以做得功夫只將物欲格了五性自呈露矣

○以五性呈露模樣言之五性譬如明月物欲譬如人家板壁板壁有一線未遮隔卽有一線明月進來將板壁通取了明月卽通進來了所以格物是孔門至妙至捷之功夫只格物則惻隱四端之發見自火然而泉達矣

物

物者卽勇貨色之類也卽宮室之美妻妾之奉所識

窮乏得我是也卽下文有所忿懣等是也對我而言者也乃物我也物交物之物也皆有形也何以不言人欲而言物也如色貨是物我去好他方是欲故不言欲而言物也以下文言卽閒居之不善也卽桀紂之暴也卽貪戾也聚斂也畜牛羊也察雞豚也好此物則所藏乎身不恕媚嫉以惡之違之而俾不通矣

格

格字正陽明以爲格其君心之格極說得是但指物字作事字又錯了將此功夫說緩了又渺冥了格字

卽下文切磋琢磨也瑟僴赫喧也克明也顧諟也日新又新也物欲未易磨勘身心未易整齊故引衛武公之詩明之未易戰勝故引書克字明之未易洗刷故引盤銘明之未易覺照故引顧諟明之

格物

物字陽明指爲事字就說得纏繞了就說知者意之體物者意之用使後學不明不白指爲物欲之物就直切了如孝乃明德也孝多衰於妻子好色而聽妻子之言好貨有私財好勇鬪狠不能愉色婉容是事

親有所好樂也則孝蔽於此物矣今格去此物則此
心一團天理就能冬溫夏清昏定晨省所行者皆孝
之事而止於其孝矣忠乃明德也如好色欲妻妾之
奉好貨祭雞豚畜牛羊好勇貪戾憤事而有桀紂之
暴是事君有所好樂也則忠蔽於此物矣今格去此
物則此心一團天理就能有官守者盡其職有言責
者盡其忠民之所好好之民之所惡惡之斷斷無枝
休休有容以能保我子孫黎民所行者皆忠之事而
止於其敬矣此是下死心學聖人方曉得此功夫不

然只是口談

○以吾一身論之手容恭此脩身之一事也今見富貴下我一等之人或扯袖高擡其手是敖矣或垂頭疎懶不爲其禮是惰矣有此敖惰而下交之瀆者何也蓋因恃我富貴眼裏空人故好自高有所好樂之心發之也此物橫於胸中是以手容不恭惟知敖惰矣或見富貴上我一等之人卽足恭黜黻卑下爲諂諛之狀是之所畏敬矣有此畏敬而上交之諂者何也蓋見人富貴喧赫有所恐懼見其金帛官室有所

羨慕好樂此二心發之也此物橫於曾中故手容不
恭惟之所畏敬矣今將恃富貴畏富貴自卑自高此
心之物一格了則此心廓然太公自知我之富貴何
以恃得人人之富貴何以慕得他惟知我手容當恭
自意誠心正而身脩矣

○孔子曰君子以虛受人蓋心中無物則虛所以物
格卽知至見善如決江河矣所以能受人

○宋儒說格物說前了何也講學以耨之一句是也
蓋講學乃耨草功夫也好學近乎知一句是也蓋好

學乃開我愚蒙功夫故今日格一物明日格一物博
學而詳說者正以反說於約以求格吾身心之私欲
也是宋儒之說說去前一步矣近日儒者說致良知
又說後了何也格物者正所以致良知也蓋孩提之
童知愛親敬長者以無物欲也及長成人物欲蔽之
是以喪失其舊日孩提之良知矣今格去其物欲者
正所以復還孩提之良知也故曰大人者不失其赤
子之心也所以說近日儒者又說後了一步就譬如
六月大水駕巫峽黑石船相似提舵走不得半毫學

任文公入鄒
久莊之室
歸里數十
年先叔祖
青城先生
口傳心受
先叔佐明
先生授之先
兄際字後
延宗魯上

聖功夫精密在此處可見

○鄒東郭云孩提之童知愛其親而強且壯者顧有
不愛焉豈強且壯者反愚於孩提乎嘽蹠之食乞人
不屑而不義之萬鍾公卿或受焉豈公卿反不肖於
乞人乎此數句說得快人心若某生同其時足數句
於後卽千古之名言矣強且壯者反愚於孩提何也
以好貨財私妻子好勇鬪狠此物欲蔽之也是以卽
不顧父母之養若格去此物卽還孩提愛敬之舊知
矣公卿反不肖於乞人者以欲宮室之美妻妾之奉

受業于先
叔是孝之
存焉有神
獲

所識窮乏得我此物欲蔽之也是以失其本心不辨
禮義而受萬鍾之祿若格去此物卽還羞惡不屑之
舊心矣豈非千古之名言乎但觀世人兄弟小時同
牀共枕哥哥前弟弟後何等相愛及成人有室家析
居爲財產告狀卽爲仇敵就可知矣

○宋儒把個敬字作功夫近日儒者把個良知作功
夫就宵宵冥冥茫茫蕩蕩無下手處只依孔子格物
作功夫就有下手處事事物物通有把握

○聖人之言無二也顏子乃孔子得意門人孔子告

之曰克己復禮爲仁孟子得孔子之真傳者乃曰養
心莫善於寡欲蓋格而后知至克己復禮爲仁養
心莫善於寡欲此三句話乃一句話也何也物也已
也欲也皆有我之私也格也克也寡也皆除去有我
之私也以此作證驗則諸儒之紛紛講格物者不待
辨而自明矣昔者孔子曰文王既沒文不在茲乎茲
孔門格物之說千載未明今斯文晦而復明某亦不
能自辭矣

○宋儒只爲認此二字不真說周茂叔教人每令尋

孔顏樂處所樂何事亦不說所樂何事朱子亦說程子引而不發亦不敢妄爲之說非不說也只恐真不知所樂何事也看來自漢唐宋至於今日之儒通不知所樂何事知之者惟周茂叔一人而已蓋人無欲卽樂孔子說君子坦蕩蕩無欲也孟子說反身而誠樂莫大焉無欲也仰不愧於天俯不忤於人無欲也以至心廣體胖無入而不自得人知不知亦囂囂皆無欲之樂也又樂多賢友卽有朋自遠方來得天下英才而教育之樂也皆非涉於形氣之私之樂也若

世人以歌兒舞女爲樂是卽驕樂宴樂佚遊矣學者只將聖門樂字打通了則聖人用功卽可知矣不然一節不通節節不通千言萬語終是葛藤

○學者如不知此種功夫終日在言語威儀上做功夫苦心苦力也一般成高賢但欲爲時中之聖卽不能矣如去獵較見南子應佛盼召道隆則從而隆道汚則從而汚此等事決幹不得何也必磨礱涅緇也如知格物功夫則江漢濯之秋陽暴之皜皜乎不可尚也譬如行船相似捉不住此種功夫就譬如捉不

住舵舟也堅固舟上人也爽力也認得水經只是捉
不住舵就怕漩渦下不得灘如捉得住舵船大也好
船小也好江水也好漢水也好大灘大浪也好如捉
得住格物功夫就堅之至矣雖磨不磷白之至矣雖
涅不緇事親也好事君也好處朋友也好處昆弟也
好富貴也好好貧賤也好夷狄也好患難也好都無入
而不自得不作小家人見識濶刀大斧徑入周孔之
堂室矣

此之謂自謙

○謙字當作誠字字畫左右相同其義亦順誠與戒同警也卽中庸戒慎之戒也言必要如好好色如惡惡臭此之謂自警非由他人也若不自警卽自欺矣小人間居爲不善只是不自警十日所視十手所指則警之至矣且此字乃聖門已用之字易小懲而大誠是也又王用三驅失前禽邑人不誠是也解作自慊說不通矣且字畫亦差之太遠